

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 403602 21 St
Tuzla, 15.09.2021. godine

OPĆINSKI SUD U TUZLI, sudija Arnaut Faruk, u postupku predhodnog ispitivanja prijedloga za otvaranje stečajnog postupka nad dužnikom "IMPRESS BH" d.o.o. za proizvodnju, marketing i štampu velikih formata Tuzla, Novo naselje Solina br.41, dana 15.09.2021. godine donio je slijedeće,

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva **"IMPRESS BH" d.o.o. za proizvodnju, marketing i štampu velikih formata Tuzla, Novo naselje Solina br.41.**

Za privremenog stečajnog upravnika imenuje Emir Mehurić iz Gračanice.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- **obezbijediti imovinu dužnika i starati se o istoj,**
- **ima ovlašćenja da uđe u poslovne prostorije dužnik i provede neophodne radnje,**
- **utvrditi da li postoji razlog za otvaranje stečajnog postupka,**
- **ispitati da li će imovina stečajnog dužnika pokriti troškove stečajnog postupka,**
- **utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i**
- **uraditi kontrolu poslovanja stečajnog dužnika.**
- **kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.**

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove Općine Tuzla, radi upisa zabilježbe otvaranja prethodnog postupka.

O b r a z l o ž e n j e

„IMPRESS BH“ d.o.o. za proizvodnju, marketing i štampu velikih formata Tuzla kao dužnik podnio je dana 25.06.2021. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju i da je isti dopušten, dana 31.08.2021. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač „IMPRESS BH“ d.o.o. za proizvodnju, marketing i štampu velikih formata Tuzla je dana 10.09.2021. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to: a Odluka o prestanku rada društva i pokretanju stečajnog postupka broj 1/21 od 23.06.2021. godine, Potvrda Raiffeisen bank d.d. BiH, kojom se utvrđuje da je račun blokiran od 14.07.2021. godine, Uvjerjenje PU KPU Tuzla Porezna ispostava Tuzla, broj 13-3/1-12-5-8067 od 19.07.2021. godine, Uvjerjenje UIO BiH RC Sarajevo broj: 02/6/II-16-11-20-6472/21 od 23.07.2021. godine, Bilans uspjeha za period 01.01. do 31.12.2020. godine ovjeren o FIA 21.06.2021. godine, Bilans stanja na dan 31.12.2020. godine ovjeren od FIA 21.06.2021. godine, Pregled rješenja prinudne naplate izdat od Raiffeisen bank dd BiH od 14.07.2021. godine, Pregled podataka Općinskog suda u Tuzli broj. 032-0-RegZ-21-002281 od 16.07.2021. godine predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 31.08.2021. godine, zakonski zastupnik društva Omar Sulejmanović izjavio je da u cijelosti ostaje kod prijedloga za otvaranje stečajnog postupka nad imovinom društva „IMPRESS BH“ d.o.o. Tuzla, navodeći iz razloga što ne postoje dalji ekonomski uvjeti za rad društva zbog nesolventnosti. U pogledu prezaduženosti društva zakonski zastupni navodi da je u spis dostavio Uvjerjenje UIO RC Tuzla o postojanju duga u iznosu od 84.413,43 KM, te nalog PU KPU Tuzla na ime plaćanja poreznih obaveza u iznosu od 22.881,42 KM. Kako je naveo, račun društva je u blokadi, a na osnovu pregleda rješenja prinudne

naplate evidentno je da se vode sudski postupci prinudnog izvršenja protiv društva podnosioca stečajnog prijedloga. Koliko mu je poznato društvo nema obaveza prema dobavljačima, prema drugim pravnim i fizičkim licima. Navodi da je jedini uposleni u društvu, da postoje ne isplaćeni dohodci i doprinosi na iste, što bi se naravno isto utvrdilo u slučaju otvaranja stečaja. U pogledu imovine društvo koliko mu je poznato u ovom momentu posjeduje određuje sitni inventar, odnosno pokretnu imovinu manje vrijednosti

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.).

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA
Faruk Arnaut

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od petog dana od dana objavljivanja u „Sl. Novinama FBiH“ . Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog